

TUZLA

GRADSKI VODIČ







10

MUST SEE
LOKACIJA
U TUZLI



PANONSKA JEZERA

Najpopularnija turistička atrakcija smještena u srcu grada je kompleks slanih Panonskih jezera, koji predstavlja slanu oazu i jedinstveno mjesto za kupanje i relaksaciju tokom vrelih ljetnih dana.





VOŽNJA TURISTIČKIM VOZIĆEM

Od Trga slobode u centru grada do Panonskih jezera svakodnevno saobraća turistički vozić kapaciteta 36 mjesta. Tokom trajanja vožnje putnici se upoznaju sa znamenitostima grada kroz opis svih bitnih detalja i bogate turističke ponude.



GRADSKI PARK SA SPOMENIKOM TVRTKU I KOTROMANIĆU

Povezan pješačkim mostom sa kompleksom Panonskih jezera, u samom centru Tuzle smjestio se i glavni Gradski park, bogat različitim spomenicima čija se tematika pretežno odnosi na srednjovjekovni period. Centralna figura parka je spomenik koji prikazuje Tvrtka I Kotromanića, bana i prvog kralja srednjovjekovne bosanske države. Pored ovog spomenika, u parku je moguće vidjeti i nekolicinu stećaka kao i spomenik na kome je uklesana povelja Kulina bana, najznačajniji dokument bosanske državnosti.

2.



Trg slobode najveći je gradski trg u Bosni i Hercegovini, a njime dominira monumentalna zgrada Barok, vjerna replika izvorne zgrade, podignute 1900. godine povodom najavljene posjete austrougarskog prestolonasljednika Franca Ferdinanda.

TRG SLOBODE

3.

SONI TRG

Centar historijskog dijela grada predstavlja Soni trg, oko kojeg se nižu deseci uskih graničanih uličica odakle je počeo urbani razvoj grada.



4.

SLANA BANJA

Slana banja je jedan od najprostranijih i najuređenijih parkova u Bosni i Hercegovini. Kompleks pored staza za šetnju obuhvata i teniske terene, igralište za mali nogomet i košarku, te spomen obilježlja iz novije istorije grada Tuzle. Okružena čistom prirodom, nudi predivan pogled sa vidikovca na Tuzlu.





5. ILINČICA

Izletište Ilinčica nazivaju još i „pluća grada“ jer područje obiluje četinarskom i listopadnom šumom, pružajući posjetiteljima prostor za aktivnosti i zdrav život. Ilinčica predstavlja dio ogranka planine Majevice, sa izuzetnom pejzažnom vrijednosti. Područje je bogato florom i faunom i kao takvo prirodno je stanište mnogobrojnih životnjskih vrsta.



MEĐUNARODNI ATELJE "ISMET MUJEZINović"
INTERNATIONAL ATELIER
"ISMET MUJEZINović"

ATELJE ISMET MUJEZINović

Međunarodni atelje "Ismet Mujezinović" jedinstven po tome što je u njemu živio i radio jedan od najznačajnijih bosanskohercegovačkih umjetnika, kulturnih radnika i slikara Ismet Mujezinović. Danas se u ateljeu nalazi spomen soba posvećena Ismetu Mujezinoviću, u kojoj su izložene lične stvari, fotografije, dokumenti i ordeni. U prostoru ateljea se održavaju izložbe, koncerti, promocije knjiga, konferencije, radionice i drugi kulturno-umjetnički programi.



6.



MEĐUNARODNA GALERIJA PORTRETA

Međunarodna galerija portreta u svom fondusu posjeduje preko 5.000 djela najpoznatijih slikara sa područja bivše Jugoslavije i na taj način predstavlja svojevrсни muzej slikarstva. Stalna postavka djela ismeta Mujezinovića, portreta Josipa Broza Tita, Haime Pinte, Adele Ber i drugih je vrijedna pažnje svakog posjetioaca koji je ljubitelj umjetnosti.



7.

KUĆA SPORTA RSD SLOBODA

Kuća sporta RSD Sloboda predstavlja spoj svojevrsne multimedijalne izložbe i sportskog arhiva u interaktivnoj muzejskoj postavci. Činjenice i legende o povezanosti grada Tuzle i Slobode oživljavaju emocije i uspomene kod svakog posjetitelja.



8.

SPOMENIK HUSINSKOM RUDARU

Husinski rudar je spomenik podignut u sjećanje na rudare koji su se borili za radnička prava i ravnopravnost u Husinskoj buni 1920. godine i jedan je od simbola Tuzle.



9.

DOM KNJIŽEVNOSTI

Dom književnosti posvećen je književnicima Meši Selimoviću i Dervišu Sušiću koji su svojim životnim radom i djelom u najvećem obimu vezani za Tuzlu. Ovaj svojevrsni muzej namijenjen je i za promociju knjiga i njihovih autora, izložbe slika kao i druge kulturne sadržaje.

KUĆA BOSANSKOG JEZIKA

Kuća bosanskog jezika je stalna muzejska postavka posvećena bogatoj istoriji bosanskog jezika i bosanskohercegovačke kulture.



10. SAKRALNI OBJEKTI

DŽINDIJSKA DŽAMIJA

Džamija Huseina čauša, arhitektonski je najvrednija džamija sa drvenom munarom na području Tuzle. Džamija je bila podignuta na mjestu zvanom Lug, u blizini hrastove šume, koja je poslužila kao izvor građe za samu džamiju, koja je neosporno djelo vještih domaćih majstora. Iz toga proizilazi i njena veća vrijednost jer predstavlja očuvani primjer izvorne bosanske arhitekture.



SABORNI HRAM USPENJA PRESVETE BOGORODICE

Pravoslavna crkva smještena na atraktivnoj lokaciji nasuprot gradskog parka i kompleksa Panonskih jezera. Sagrađena je krajem 19. vijeka u neoklasicističkom stilu, te je kao i obližnji Dvor Zvorničko-tuzlanske eparhije proglašena za nacionalni spomenik Bosne i Hercegovine.

FRANJEVAČKA CRKVA I SAMOSTAN SV. PETRA I PAVLA

Crkva predstavlja moderno i lijepo zdanje koje je osmislio arhitekt Zlatko Ugljen. U sklopu samostana je Galerija Kristian Kreković.



GAZI TURALI-BEGOVA (POLJSKA) DŽAMIJA

Nalazi se u samom centru Tuzle, a izgrađena 1572. godine, sredstvima jednog od utemeljivača moderne urbane Tuzle, Gazi Turali-bega.



TOP LOKACIJE ZA FOTOGRAFISANJE I USPOMENU

SPOMENIK MEŠI SELIMOVIĆU I ISMETU MUJEZINOVIĆU

Napravite jedinstvenu fotografiju u društvu dvojice prijatelja, rođenih Tuzlaka, pri čemu se strogi Meša susreće s Ismetom, ležerno oslonjenim na stup svjetiljke, kako bi imali jedinstvenu uspomenu sa Tuzlacima omiljenog mjesta za susrete!



VIDIKOVAC KICELJ

Sa ovog jedinstvenog lokaliteta, u zagrljaju svjetlećeg srca, pružite pogled i ruke najvoljenijem gradu i pohvalite se najljepšim panoramskih fotografijama sa omiljenog mjesta za uživanje u zalascima sunca!



ZNAK I LOVE TUZLA

Uživajte u još jednoj lokaciji za uspomenu na boravak u našem gradu i voljenima pošaljite poruke ljubavi sa fotografijama uz otvoreno srce Tuzle



PANONSKA SLANA JEZERA SA SLAPOVIMA

Pružite pogled na najljepši grad sa slanih slapova koji ljube tri slana jezera, okrijepite duh i tijelo i ne zaboravite fotografisati vaš doživljaj u ovom jedinstvenom osvježavajućem ambijentu!



ČARŠIJSKA ČESMA

Pohvalite se fotografijom sa jednog od istorijski najznačajnijeg i najslikanijeg mjesta u našem gradu i budite i vi dio naše šarene razglednice!



TUZLANSKA KOZA

Budite dio brojnih legendi koje vežu stanovnike Tuzle uz čuvenu „tuzlansku kozu“, i napravite fotografije kojima ćete slatko nasmijati svoje prijatelje i pri tome ih podučiti legendama zbog kojih su Tuzla i njena koza čak i opjevane!



FONTANA NA TRGU SLOBODE

Uz jedinstvenu fotografiju sa najpoznatije fontane u ovom dijelu Bosne i Hercegovine pokažite da ste upoznati sa višestoljetnom slanom tradicijom našega grada, a ornamenti stećaka i uklesani srednjovjekovni epitafi neka zajedno sa vama svjedoče o bogatoj kulturno-historijskoj baštini našeg grada!



KALENDAR DOGAĐAJA I MANIFESTACIJA KOJE SE U TUZLI ORGANIZUJU SVAKE GODINE

1. HKD Napredak – Napredkovi dani (februar-mart)
2. Obilježavanje Dana nezavisnosti BiH (1. marta)
3. TKT Fest Teatar Kabare (mart-april)
4. Dani mladih Tuzle, Pozorište mladih (mart-april)
5. Proljeće u Tuzli (april-maj)
6. Tuzlanski dani piva (maj)
7. Festival vina „Vino Salis“ (maj)
8. Festival savremene žene (juni)
9. Otvaranje ljetne sezone na Panonskim jezerima (juni)
10. Dani astronomije (jun-juli)
11. Međunarodni horski šampionat „Lege Artis“ Tuzla (juni)
12. Ljeto u Tuzli (juli-septembar)
13. Ljeto na Panonici (juni-septembar)
14. Festival mladih Tuzla (juli-septembar)
15. Džumbus festival (jul-avgust)
16. Tuzla Guitar Week (juli)
17. Tuzlanski maraton (juli)
18. Međunarodni festival umjetnosti mladih „Kaleidoskop“ (zadnja sedmica jula)



TURISTIČKA ZAJEDNICA
GRADA TUZLE

Za detalje o svim navedenim manifestacijama
i događajima, posjetite www.tztz.ba





Koncert orkestra mladih BalsiKa „Ethno“ (avgust)	19.
Likovna kolonija Breške (juni-juli)	20.
Tuzlanska biciklijada (avgust)	21.
Moto susreti Moto kluba Geargrinder (avgust)	22.
Pozorište bez granica - Festival pozorišta u Tuzli (avgust-septembar)	23.
Sajam meda i pčelarskih proizvoda „Medena Tuzla“ (septembar)	24.
Bike Fest „Panonica“ na Panonskim jezerima (septembar)	25.
Poljo sajam Breške (septembar)	26.
Underground Music Festival (septembar)	27.
INTERBIFEP (svake 2. godine septembar-novembar)	28.
Obilježavanje Dana oslobođenja Tuzle (2. oktobra)	29.
Međunarodni književni susreti „Cum Grano Salis“ (oktobar)	30.
Tuzlanski film festival (oktobar)	31.
Sajam proizvoda žena sa sela (oktobar)	32.
Pozorišni dani Narodnog pozorišta Tuzla (oktobar-novembar)	33.
Festival „Sevdalinko, u srce te nosim“ (novembar)	34.
HKD Napredak – Božićni koncert (decembar)	35.
Zima u Tuzli (decembar – januar)	36.
Javni doček Nove godine i repriza (31. decembar i 1. januara)	37.
Dječija Nova godina (31. decembra u 12.00 sati)	38.







TURISTIČKI URED

Soni trg br. 8, Tuzla 75000

+387 35 257-499 / info@tztz.ba / www.tztz.ba

TURISTIČKI INFO CENTAR

Turalibegova 5, Tuzla 75000

+387 35 257-500 / info@tztz.ba / www.tztz.ba

